

TNC ~~3037.8~~ / 867 / 7
3035.29

5

35683

35683

35683

普陀山志卷五

詩類

洛伽題咏

序

序
王樹

同校

宋王安石

山勢欲壓海禪宮
向此開魚龍腥不到日

月影先來樹色秋
鐘聲浪答四何期

宋史按所此佛應矣

遊補陀

元趙孟頫

32083

普陀山志卷五

詩類

洛伽題咏

宋王安石

山勢欲壓海禪宮
向此開魚龍腥不到
日月影先來樹色秋
擎出鐘聲浪答回
何期

乘吏役暫此拂塵埃

遊補陀

元趙孟頫

庠生

屠玉衡

同校



縹緲雲飛海上山掛帆三日上潺顏兩宮
福德齊千佛一道恩光照百蠻澗草巖花
多瑞氣石林水府隔塵寰鰕生小枝真榮
遇何幸凡身到此間

遊補陀

盛熙明

驚起東華塵土夢滄洲到處即爲家山人
自種三株樹天使長乘八月槎梅福留丹
赤如橘安期送棗大於瓜金仙對面無言

說春滿幽巖小白花

夕泛海東尋梅岑山觀音洞遂登磐

陀石望日出處

吳萊

山月出天末水面生晚寒扁舟劃然往萬
頃相渺漫星河白搖撼島嶼青屈盤遠應
壺嶠接深已雲夢吞蟠木繫予纜扶桑
我冠寸心役兩目少試鯨魚竿

其二

起尋千步沙穿石塞行路怒濤所撻擊徒
以頑險故卓哉梅子真與世良不遇上書
空雪衣燒藥廼烟樹女螭時側行縞鶴一
迴顧從之招羨門滄海晝多霧

其三

茫茫瀛海間海岸此孤絕飛泉亂垂纓險
峒森削鐵天香固遙聞梵相俄一瞥魚龍
互圍繞山鬼驚變滅舟航來旅游鐘磬聚

禪悅咲樵小白花秋潮落如雪

國朝

遊補陀

張信

翁洲人
狀元

浮生同一夢感槩憐我情文章祇覆缶鉛
槩總頑形拂茲蘅竇下凌彼天之層和風
洒雲龍清樾培佳程睠言遊仙侶趣趾成
蓬瀛

洛伽山望海

陳獻章

新會人從
祀名臣

元氣茫茫混太虛
天吳簸撼蕩坤輿
千年木石勞精衛
百谷波流會尾閭
月下明珠鮫女泣
雪中飛觀羽人居
秋風吹老珊瑚樹
不見麻姑錦字書

其二

一花初起白龍堆
萬騎長驅石壁開
碧海有山都是雪
青天無雨只聞雷
秋高鴻鵠排雲去
夜靜蛟龍出穴來
借問乘槎向何

處五雲咫尺是蓬萊

寶陀禪寺漫興

寶塔凌空十丈高
倚欄南望際鯨濤
天花散處皆金地
海月生時見玉毫
夜氣澄清龍在窟
秋風蕭爽鶴鳴皋
丹梯咫尺諸天近
香霧霏霏濕苧袍

補陀山

陸光祖

嘉興人
太宰

天抱琉璃宮
鼇柱不見底
誰騎香象來
明

月弄空水

其二

山椒石壁寒沙岸水痕泐濤聲日夜喧禪
心自空寂

其三

白馬駝經來乃在大海外誰知震旦中有
此無色界

其四

寶殿低秋浪踈鐘入夜風身心無處着始
悟本來空

遊補陀

張子瑫

鄞人少卿

嶙峋僊界錦城堆寶樹巖花面面迴勢壓
海門鼇背重光搖島璵蜃樓開層巒徧向
雲間出飛瀑全疑天上來自是修真竒絕
處何須弱水問蓬萊

禮洛伽山

沈明臣

鄞人

三神山遠不能尋惟有洛伽名古今萬里
扶桑開四照九天靈鷲削孤岑一枝鸚鵡
多饒舌遍海蓮花不染心謁罷潮音靈洞
口皈依願發晚濤深

題補陀

萬表

鄞人
都督

掛席凌瀚海長風兩鬢颺俄然見宮殿出
沒在波濤龍女呈珠貝如來現玉毫直將
超世界詎獨解天弢

其二

不為名山住將因法喜探波聲撼佛座松
色暗經函天女咸悲仰童真亦屢叅捨家
猶畜髮長此事瞿曇

禮洛伽山

沈一貫

鄞人少傳
大學士

積水中開梵帝宮孤帆高引列仙風始知
四大浮空住別有三天護法雄肅拜聖儀
明滅裏迴看人世有無中殷雷欲裂潮音

洞何處西方更發蒙

其二

近有三生紫竹緣何須十地與諸天獨騎
香象開龍國故擊靈鼉撼蜃川銀浪秋掀
天影澹金輪朝發海光圓但將一勺澄心
地舉目千花盡是蓮

其三

妙應峯頭披世氛磐陀石上攬晴曛大千

毫髮空中見諸佛威音定裏聞虛唄自隨
龍鬱律天香惟與鶴氤氳三山近立祥河
外盡爲金僊駐彩雲

其四

巢頂孤僧坐似懸更無色相與區緣蓮花
寶界龍腥薄蒼荀香林鳥性圓繞唾巖珠
尋到海乍飛月鏡已升天真無水色寒能
照假有山光亦自鮮

遊寶陀寺

黃猷吉

山陰人
僉憲

直為探竒過上方居然
臺殿水中央到知
海岸真孤絕遙望瀛洲
亦渺茫石洞寒潮
鳴梵唄竹林明月放圓
光鯨波一洗烽烟
息仰見慈靈遍八荒

夢遊補陀山

姜子羔

餘姚人
少卿

忽然飛渡海雲東海色
澄清霄漢通借問
此心何所似白雲映水
月當空

遊補陀山

馮夢禎

嘉興人
祭酒

西教東流到補陀金蓮
化發映娑羅星河
歷歷黏青漢島嶼累累
浸白波龍獻寶珠
歸象罔僧留香飯與鼈
鼈我來欲發如來
藏老傍寒松學鳥窠

登補陀

劉尚志

皖人海
道副使

欲問如來何處尋寶輪
空裏海濤深朝看
絕島開龍象夜聽寒潮
落梵音萬頃風雲

浮碧玉九天日月布黃金閬州恍在藤蘿
外夢入西方不住心

題洛伽

龍德孚

武陵人寧波府同知

望來鼇柱森無涯海上孤懸小白華說法
臺高開寶藏潮音洞迥湧金沙扶桑夜沸
三更日祇樹光生五色霞我亦有冠慚未
掛梅岑何處覓丹砂

寄題補陀

宋應昌

仁和人
大司馬

洛伽山浸海波中大士西來彼岸通不是
世人迷苦海肯教說法到天東

禮補陀大士八韻 傅光宅

聊城人
提學

翠壁千重盡滄溟萬里開龍宮吞日月蜃
氣擁樓臺五嶽誰飛錫三生此度杯地疑
人境外身似梵天回紫竹藏鸚鵡青蓮見
善財海神聽法至天女獻花來慧眼觀千
界潮聲振九垓皈依持半偈甘露灑塵埃

沈家門阻雨

雲海慈航一葦輕身隨大士踏空行波光
東去通夷國烟島西來擁化城夜吼潮音
千壑應寒飛花雨四天明塵心到此清如
水文室吾將擬淨名

喜晴

海風吹雨失千山幾日藏舟翠壑間忽放
光明遍三界青蓮一葉水雲間

望補陀

顧克

上虞人
部郎中

我家世漁瀛海東烟波滿眼青濛濛我生
夙抱探竒癖十洲五嶽期過從金闈一旦
謬通籍矯首滄洲思無極馮誰寄我仙山
圖開卷神飛渺南國秋濤灑瀚秋雲賒紫
翠中浮小白花瑤光遠映三摩地金色平
鋪千步沙蛟宮鰲極出巋巋寶相珠纓示
神異慧炤孤縣震旦中慈航飛渡閻浮際

善化山志卷五
一襟水月共澄鮮真歇關頭好息緣泡影
河山忽明滅恒沙世劫幾逃禪馬首京塵
幾十丈西風吹滿青袍上苦海溟溟日望
洋津梁咫尺徒神王題絨爲報大將軍莫
椽磯頭白鳥羣他日浮槎指南海相携同
禮白巖雲

題洛伽

時寺徙
侯濤山

李攀龍

濟南人
憲使

洛伽山上古祇林白馬西來峽口深月出

爾時樓閣影風還如是海潮音若非鸚鵡
无能語誰解蓮花不染心五十三頁知識
盡可勞踪跡問浮沉

題補陀

李言恭

盱眙人
臨淮侯

五嶽三山總浪遊法門高敞海天秋窓前
雲氣蛟龍起檻外波濤島嶼浮月映寶珠
明上界星隨燈火散中流黃塵白髮真無
賴彼岸慈航何處求

寄題補陀

蔡貴易

同安人總憲
前寧波太守

憶昔分符日相依祇樹林天留最勝地佛
照不溜心海日蒼崖曉蓮花碧水深為民
遙頂禮願普恒沙金

龍女善財洞

梅魁 叅將

雪膚蒼貌紫霞裾幾駕蒼虬下碧虛踪跡
尚留青海上珮環遙向玉樓居雲封洞口
塵氛寂潮漲沙頭月影孤欲就此中求至

理本來妙相一明珠

寶陀寺禮大士

屠隆

鄞人禮
部主事

瀛壖浩亡極滴宕簌塊北靈巖邈孤懸際
斷神境別海罽渴較飲磴道凍虹折白日
浸曾波晴空翳膠腸剎邨雲島獻儵忽烟
息滅山足落潮痕沙明浩如雪兜羅啟銀
界七寶嵌金闕寺影倒空水永與喧囂絕
龍來殿門腥夜冷相鍾咽大士坐香臺青

蓮映紺髮瑠窓繞琅玕函經護松栝天花
雨繽紛高僧時說法有去即有住無解亦
無結福慧不唐捐能所俱了徹西教自東
流津梁此娑竭何必迦毘羅然後得寶筏
余今討空宗萬念惣抹撇願聞微妙言庶
啓廣長舌

其二

巍巍法王子天人所師尚菩薩乃應權佛

果證無上遠從身毒國大法來龍象孤高
託屣屨浩蕩乘溟漲詎應愛空闊無乃愍
流浪人生墮苦海神識昏濇漾哀哉萬劫
中業趣日醞釀輪轉何絲超泥犁深萬丈
慈氏興大悲弘誓度羣妄微言深奧衍妙
義蔚遐暢不廢耳日用而忘耳目相世音
乃以觀觀徹理無障三千大千桴鼓答
靈旼蟻螻音呶嚶洪鐘響嘹嘒尋聲抹苦

難茲理實非
誰周徧法界中
咸令滿所望
無情亦知歸
有識那不向
如來滅度久
疇為發寶藏
繙經悟真諦
我願如玄奘

遊補陀

蘭若孤懸大海中
山根四面插蛟宮
浪推旭日排天出
風靜涼蟾照影空
異鳥聲和仙樂細
靈鼈背閃佛燈紅
神州別有三摩地
况與蓬萊咫尺通

其二

不斷潮音響
石淙蒼厓陡絕
杖孤筇天浮
島嶼雲帆亂
殿壓鼉鼉雪浪
春曾共鳥窠
叅了義還依
龍藏討玄宗
日斜空水澄如
鏡微有冷風
送暮鐘

其三

獨上磐陀四望寬
青螺一帶抹烟巒
樓沾蜃氣全疑濕
潮落沙痕半未殘
波面紅蓮

開十丈巖前紫竹長千竿
揭來頓悟圓通
理手挈銅瓶汲巨湍

其四

不因禮佛到翁洲
那識乾坤屬一漚
欲就此中超幻劫
更從何處覓閻浮
雲光佛日三千界
海色仙人十二樓
幢蓋蕭蕭金磬冷
碧山黃葉寺門秋

其五

翡翠臺吞島樹冥
珊瑚簾控海峯青
香船暮客帆投浦
寶塔霜鍾月在瓶
聖主紫泥封賜詔
內官黃帕捧函經
人非人等俱聽法
夜半龍來殿不腥

其六

扶桑日出繞蒼茫
淼淼行空一葦航
誰劈銀濤開寶界
直扶鼇柱駕金梁
僧歸水府袈裟濕
女散天花佛座香
悟得無邊先及

岸了知東土是西方

其七

何來鷲嶺削千尋
大士端居紫竹林
日月高窓懸石扇
烟霞古洞響潮音
五雲瓔珞莊嚴妙
七寶琉璃般若深
菩薩泉名功德水
但教一洗盡凡心

其八

凍巢時有鶴來歸
舟楫雖多鷄犬稀
絳月

夜侵龍女襪碧雲
秋冷梵僧衣
祇因海浪無天遠
轉覺香臺與世違
塵土劫灰都不到
蓮花開落是禪機

補陀十二景

梅灣春曉

梅尉丹爐火不溫
踈枝淡月島烟昏
只愁海叟吹龍笛
擲落羅浮萬樹魂

茶山夙霧

龍宮蛟室霧網緼幾樹珊瑚認未真雪裏
頽霞高十丈紅綃恐是獻珠人

古洞潮音

海濤飛雪復春雲寶殿踈鐘入夜分潮白
砵錡僧自定悟來原不是聲聞

龜潭寒碧

清江使者夢冥冥五兆空嗟朽甲靈豈是
來遊蓮葉上水天涼冷月痕青

天門清梵

野衲齊繙貝葉書磬聲遙度暮沙虛神龍
聽法妖蛟舞親見如來金臂舒

磐陀曉日

黃烟黑霧罩潺湲忽破天昏海色殷誰駕
火輪推雪浪赤光如矢射千山

千步金沙

黃如金屑軟如苔曾步空王寶襪來九品

池 中 鋪 作 地 祇 疑 赤 脚 踏 蓮 臺

蓮 洋 午 渡

波 上 芙 蕖 盡 著 花 香 船 蕩 槳 渡 輕 沙 珠 林
只 在 琉 璃 界 半 壁 紅 光 見 海 霞

香 爐 翠 靄

博 山 突 兀 海 孤 懸 日 對 軍 持 大 士 前 不 用
栴 檀 燃 佛 火 曉 來 嵐 氣 自 生 烟

鉢 盂 鴻 灝

應 器 東 行 大 衆 從 遍 施 香 飯 說 禪 宗 更 看
一 酌 滄 溟 竭 此 物 由 來 制 毒 龍

洛 伽 燈 火

熒 熒 一 點 照 迷 津 光 奪 須 彌 日 月 輪 萬 劫
靈 明 應 不 滅 五 燈 傳 後 與 何 人

靜 室 茶 烟

蕭 蕭 古 寺 白 烟 生 童 子 烹 茶 煮 石 鐺 門 外
不 知 飄 急 海 天 低 與 凍 雲 平

題補陀

黃之璧 上虞人

名山梵刹海東開
金作禪宮玉作臺
萬點慈雲青峯下
半空法雨白龍來
依微石室窺無相
彷彿珠幢見辨才
誰似神僧杯可渡
摩尼自取照蓬萊

其二

蒼蒼磴道控瑤岑
大士遙瞻亘古今
雪檻琅函開閣淨
松門燈火隔窓深
鯨波澄作

蓮花藏蜃氣
嘘為蒼筤林
燒罷香烟龍女去
天風吹送海潮音

夢遊補陀

葛曉 上虞人

水國稀微古殿開
天空夜靜海潮來
摩尼始覺明真性
叅禮行常學善財
不返秦皇嗟藥草
轉憐漢武企蓬萊
何如此地求聲聞
遂上瓊樓碧玉臺

潮音洞

盧純學 通州人

大海靈山迥龍宮豈易尋萬年垂妙相孤
洞啓潮音天削峯成玉沙鋪地是金泠泠
俱作梵蚤已滌凡心

題補陀

龍膺

武陵人戶部郎

洞口曇花夜不昏多羅舍利萬年存魚龍
跋浪連林屋鐘磬和雲出灌門色界豈知
天下大香臺惟見世中尊更憐末法誰梁
棟爲有生公石可論

題補陀

丁繼嗣

鄞人總憲

天下名山說補陀孤懸海曲傍巖阿雲蒸
遠岸龍光躍日照層巒蜃氣多晴晝幢旛
開霧靄清宵鐘磬起鼉鼉滄溟地僻人稀
到喜共胡僧逐隊過

題補陀

吳禮嘉

鄞人御史

萬里滄茫一寺門慧光千丈擁朝暎孤懸
寶相空塵劫不斷潮聲到竹根風靜靈旛

鯨海晏月籠祇樹蜃樓吞登臺長嘯烟雲
裏掃却凡塵道自存

禮補陀山

董光宏

鄞人刑部郎

東南澤國中往往饒異迹巨海峙補陀大
士下所適俯瞰天溟池懸崖九千尺當時
現法身青蓮大如席龍神日來朝洪濤恣
噴射滅沒數點烟天盡地無圻坡湧山勢
搖日蒸海氣赤境內萬里舟域外三韓舶

乘潮破巨浪亂颿互相躑飯德難異香拱
手晉名壁昨年詔使至幡幢映巖石真如
故無言衆生自奔迫遂令濔濔中今古長
赫奕西方有聖人東海乃其宅我今飛渡
來膜拜恍今昔摩娑蒼苔花四望曉天白
忽憶生前事廿年此面壁

題潮音洞

盧元邁

餘姚人武進士

靈竅何年著化工嶙峋倒插水雲中浪花

飄瀑飛晴雪海月浮光夜現虹石壁雨餘
泉出竇梅林秋老樹吟風虔誠欲叩如來
面雙鶴盤旋下碧空

寶陀寺

李應詔南昌人

茫茫鷲嶺水雲賒今古莊嚴大士家檻外
碧空垂法象月明鳥嶼盡蓮花

遊補陀

徐啓東上虞人

夢想名山久因之駕海來潮從天上湧刹

向嶼中開金粟山為鉢蓮花水作臺磐陀
望三島咫尺是蓬萊

題洛伽

呂胤昌餘姚人

絕島波間嶼空門嶂裏懸齋厨隨雀至野
衲近蛟眠叢蔚蘿侵戶縈紆竹溜泉玻璃
千萬頃水月暎人天

題補陀

張邦岱鄞人

法界何從覓招提別有方羣峰依日小一

水入雲長蹟以蓮花著林將竹葉藏何時
登彼岸側想在慈航

題補陀

李先嘉 鄞人

憑虛聊騁望面面荻蘆秋坐據三生石心
隨萬里流鼉鼉爭出沒日月自沉浮向夕
烟氛歛珠光似可求

其二

法界元無着茫茫空水雲鐘聲潮外住佛

相鏡中分經為魚龍說人將鶴鶴羣慈航
如可借不厭往來勤

題補陀

張邦侗 鄞人署丞

海上神州一刹竒珠宮紺殿五雲披雙林
祇樹三千界絕岸潮聲十二時月白滄溟
鼉鼓振風迴大壑梵鐘遲波濤浩渺諸天
淨幾見游龍觀法師

再遊普陀

程時望 新安人

為憐淨海妙蓮華幾度相從泛遠槎龍象
應窺曾到客法臺重雨舊時花無邊慧日
懸祇樹不盡慈雲接洛伽更見寶光金色
麗令人滌慮問三車

洛伽山

葉舜臣

鄞人

駟石連鼇事有不蒼茫天地惣輕漚乘潮
夜覺星河覆破浪時驚日月流百谷龍蛇
歸大壑空王香火屬孤洲邀僧施食龍窺

鉞拄杖看雲蜃結樓老蚌戲珠宵出浪文
鮒吹霧晝迷舟傍通異域應無數咫尺神
山若可游坐想飛仙乘躡去行逢老衲借
杯浮如來若許親摩頂願得誅茅最上頭

題補陀

董大晟

鄞人

滄溟無際望中舒寶月孤輪匝太虛坐聽
鼉更通法鼓從看龍女舞靈胥磐陀石上
三生偈優鉢羅花四照餘到此不知何彼

岸經聲天語自如如

潮音洞

汪學信 新安人
太學生

山根盤結水縈迴大士當年作法臺
礁滑平波翻雪浪巖懸白日生風雷
龍從洗鉢洋邊化蓮就然檀定裡開
紫竹滿林看不見恠來偏向石中栽

磐陀石

飛來一石大如舟占得羣峯最上頭
已識

無根真面目懸知點額指滄洲

遊補陀

陸鯉 上虞人
知府

洪濤萬頃泛艫艫浴日吞天一望空
十日心齋朝海岱三生夢覺悟真宗
白蓮花吐潮音洞紫竹苞生景命宮
笑我此來無個事洛伽山裏聽傳鐘

題洛伽

施敷 歸安人
同知

海嶠東南障九垓凌空梵宇鏡中開
經函

萬卷黃金詔地迴千重白玉臺鐘磬清音
超彼岸禪林明月照如來莊嚴寶藏咸瞻
仰萬古乾坤一壯哉

題洛伽

徐國瑞

上虞人
大學士

朝禮齋心二十年于今始得了斯緣遙驚
海上留金鉢忽訝洋中開玉蓮遠島千重
環聖刹澄波萬頃護松禪愿將無量菩提
水遍洒人間作福田

海門望補陀

薛三才

定海人
布政

大界名山盡道場獨看祇樹接扶桑轆轤
萬劫留香火龍象雙馴護法藏銜水迸添
潮汐上爐烟散入海雲蒼蛟門直望天門
迴幾度迷津問去航

和家兄寄題補陀

薛三省

檢討

磐陀咫尺幾時攀曠天關開闔閭日濯
溜瑤明十界水含宮殿動三山蓮花隱見

搖波白竹葉參差著石斑莫道莊嚴消息
遠月明滄海聽潺湲

潮音洞

陳王賓 定海人

層巒迴曲徑石竅瞰長虹大士棲霞所神
僊煉石宮水梳瑤草滑風掃白雲空悟入
三摩地瀟然興味同

遊靜室

周應宸 鄞人

大觀知不極小築愜幽情石恠多題字僧

深不識名依山茅徑仄到處竹泉清祇是
供隨喜新茶煮石鐫

題補陀

鄭有學 嚴州人

相傳大士此中都共說真如今有無隱見
月光呈瑞相氤氳花氣學香爐迷津可渡
舟檣滿聖水無邊島嶼孤我若有觀應自
在何須錦字問麻姑

題補陀

屠玉衡 鄞人

孤峯截竄帶蒼苔紫竹林端講席開擊鼓
馮夷驅浪至獻珠龍女挾潮回經繡貝葉
聞清梵座擁金蓮結寶臺一片空明浩無
際遙瞻宮闕近蓬萊

其二

瀚海安瀾蜃氣消流鈴僊樂奏雲韶輝煌
宮彩銖衣肅澹蕩爐香絳節朝慮淨萬緣
歸寂滅心持半偈息團瓢了知水月元空

相瓔珞慈容近可邀

其三

花雨繽紛璧月懸精藍清供普人天莊嚴
古佛垂螺髻定慧名僧啓法筵寶誌幻來
八面相圓通印入四乘禪性靈何止周沙
界功德還應遍大千

其四

磐陀石上散晴霞金粟林間四照花日落

巖前發跡磬夜深水際泛孤槎千秋香火
真如地萬國梯航大士家媿我凡夫遙頂
禮欲從蘭若問三車

寄題普陀

余詠 郵人

孤絕絲來佛力尊蒼茫宮殿控朝暎法幢
影動青虬舞僧梵聲來白翅騫濤激屢驚
翻日月塵揚幾見別乾坤不知彼岸原何
處乞得天恩下九關

寄題補陀洛伽

李俊 郵人

目極補陀勝名山大海東歲時千里客來
往一帆風波湧金蓮界林依紫竹叢何緣
謝塵網膜拜與僧同

其二

絕岸風烟接層巒日月開聖燈時出現慈
照暫應回陽谷千年木陰崖萬古苔遙瞻
金碧麗彷彿近蓬萊

題補陀

屠大諒 鄞人

曉日射珠林清光映遠岑
寶旛雲外落石磬雨中沈
琪樹叅禪觀迦陵語梵音
金容如可見灑灑遍甘霖

禮洛伽

周應宸

一剎中懸積水間依然法寶護
慈顏已聞地籟潮生浦若墜
天花春滿山佛以應權多著
相僧因領衆不成關為儒未
許皈依

甚捨得齋錢亦自慳

登補陀山

屠大誼 鄞人

一望蒼茫遠樹連羣山羅列
寺門前紅蓮冉冉生香海紫
竹離離遶梵筵天女散花叅
聖諦應真渡筏叩玄詮慈航
一一資龍藏稽首金僊了俗
緣

題補陀

柴懋賢 鄞人

大壑深林知幾重沉沉紺殿
瑞烟濃衆香

縹緲搏華蓋七寶莊嚴捧聖容風動繡旂
看鳳舞雲生畫棟欲飛龍徘徊忽上千峯
月海印光寒起暮鍾

題鎮海寺

汪學信

梅岑拳石盡成玄誰聚浮漚結大千潮自
雷喧心自寂海同天際性同圓吞舟恠物
知飯法破浪蒼虬識引年即欲買山隨遁
隱牛磯無用爨犀船

遊補陀山寺

邵鳳來

定海人

好將大海濯塵埃梵刹孤當寥廓開翠岫
薜蘿清色界碧天水月淨樓臺夜光破溟
旭初上晴雨飛空龍欲來妬殺名山僧盡
占間敲鐘磬在雲隈

題洛伽

吳學周

崇仁人象
山縣知縣

水雲千頃極蒼茫島嶼平吞日月光紫籜
扶踈開竹色紅衣掩映發蓮香欲叅大士

真空偈好泛如來般若航見說九重頌象
教恩波蚤晚遍遐荒

題補陀

黃正達

華亭人象
山縣教諭

萬里蒼茫蜃色開琳宮寶殿鬱崔嵬夜寒
風雨龍聽法日落波濤僧渡杯大海總名
功德水法身元是妙明臺望中直接蓬萊
境盡是楊枝洒處來

遊補陀山寺

邵輔忠

定海縣人
主事

洛伽巖外水悠悠大士蓮臺自一洲佛火
三摩傳不夜鐘聲萬里徹清秋天澄虛白
遙連壑山淨空青下滿樓剝得禪心同莽
蕩那知消息問泥牛

梅灣春曉

幾樹踈梅倚石斜問梅開落屬誰家東風
昨夜頻吹俏也作如來小白華

茶山風霧

菩提那 不是蓮花雷
莢雲林長露芽山氣
誰噓晴不散半籠祇樹半籠茶

古洞潮音

削壁懸崖作海門
波濤萬疊恍鯨吞
上方諸品都空寂
水石聲聞亦是喧

龜潭寒碧

洛水曾聞兆聖明
由來靈跡寄山泓
溶溶漾漾秋光冷
照徹禪心不二清

天門清梵

石扉空敞日無扃
僧向諸天齊誦經
滿岫白雲封不住
隨風直與老龍聽

磐陀旭日

梅岑石石盡成禪
片石凌虛占水天
多少雲山迷宿障
夜深紅日此峯前

千步金沙

霏霏如屑復煌煌
容易祇陀布地黃
豈是

滄浪淘洗出恒沙世界遍金剛

蓮洋午渡

滿洋雪浪白翻天何處香船是鐵船大願
總知神力在千帆日下盡紅蓮

伽洛燈火

漠漠孤峯浸海國日沉海氣昏山色蒲團
燈火放光明點破一天烟霧黑

香爐翠靄

大冶何年鑄博鑪馮夷端捧向浮屠天香
化作青烟起昧火看來水不濡

鉢盂鴻瀨

釋種家風惟一鉢那從雲外空生活食殘
香飯洗波中回首茫茫海天濶

靜室茶烟

入定頭陀不下龕老松脩竹閉茅庵山童
汲水烹山茗只見烟飛併作嵐

遊補陀山寺

邵輔明

澤國烟霞駐聖靈
六鰲駕一破滄溟
山頭晴雪半涵白
水面寒波長送青
雲擁祇林凝蜃氣
香飄佛殿散龍腥
總知極樂西方界
萬頃銀濤一淨瓶

題洛伽

劉堯賓

定海人
知縣

龍宮蛟室雪濤堆
併是空王梵宇開
淨色青山塵不着
寒光白夜日先來
蓮洋人度

蓮為楫雲水僧居
雲作臺到岸了無
機事沙鷗慣熟也
忘猜

題洛伽

周俊元

定海人

突兀千峯望不留
梵宮迴與白雲浮
靈鰲駕日光先到
古洞吞潮響暗流
夜半踈鐘清帶梵
天空一水碧澄秋
莫言苦海無涯際
彼岸分明在上頭

題補陀

王世仁

定海人

正法弘慈遍九垓道場遙向海東開波光
日色金銀界松響濤聲晝夜雷貝葉繙時
禪幌靜天花飛處慧香來須知色相原無
着水上蓮花是法臺

題洛伽

陳王賓

定海人

白華古刹白雲隈燁燁靈光燭上台東土
原知皆淨土香臺誰識是蓮臺諸天燈火
三生諦一粒摩尼萬劫迴今日頓空塵網
念此身金粟舊如來

題洛伽

劉廷璿

定海人

妙覺真如啓法藏祇園珠樹映扶桑滄溟
四望鋪晴練燈火諸天燦夜光人到名山
知佛國誰從苦海渡慈航一聲鐘磬空雲
水九品蓮開萬斛香

遊補陀

金鐔

鄞人

須彌山頂住諸天佛掌如何現大千海影

盡含空外色潮音不雜定中禪金沙灘上
僧歸月紫竹林中鳥破烟只辦直心飯大
道無煩寶筏度迷川

題洛伽

管萬里

鄞人

煉藥何年到海岑紫雲為幕竹森森藏真
咫尺蓬萊島護法莊嚴蒼筤林烽靜磐陀
開寶界日春崖洞湧潮音頻迦異鳥聲聞
切但說排山地布金

再守

重登普陀

劉炳文

台州人寧
紹參將

浪遊兩度謁山靈風景依然一望平古寺
潮音聽落月深林竹色隱疎星泥封彩綯
丹沙鼎蜃氣香浮大士經說法夜闌人未
倦可知東海絕長鯨

渡蓮華洋

楊德政

鄞人
編脩

浩蕩開真旦微茫隱化城山隨奔浪湧水

向遠天傾雙樹雲中出千花空裡生超然
登彼岼未論濯塵纓

題洛伽

潘景元 杭州人

峭壁峻嶒天帳開海雲重叠起樓臺仙人
掌在琪林外幾度推雲上石苔

春日游補陀洛伽山

楊德遵 鄞人

多寐籌清海 氛戴星梅檜出雲屯棄田

通綠迎江口鷗 浮晴點嶼豐入步名山
空色相聽潮前 小乾坤當來誰是分香
者目下長生第

遊補陀

朱一鶚 漳浦人字海知縣

西教至 東方隱此龜鼉窟峰巖

一點青螺浮沙堤千步黃金築紫竹林開

小白華秋風處處優曇花烟霞別是人間

杳水月孤懸大士家大道悠悠潮湧湧獨

望汪洋成浩歎分明砥柱在中流直引迷
途登彼岼臺殿風高響鈴鐸澗靜魚龍聽
說法官使傳經雲錦張山僧揮塵天花落
自慚身是宰官身回首空憐車馬塵爲仰
慈靄叅大士一泛僊槎牛女津

遊補陀

柴瑛

郵人
舉人

鼓掉飛心娑竭
漾日空王麗疊

川真如勝界一浮漚澄波
連雲爲象幽蒲座那聞

師乳偈揚枝惟洒窻同舟憐余剝有蓮心
淨滿跏曇香擁不流

寄題補陀

樊王家

江陵人字
海縣知縣

寶剎凌空跏轉深洪濤春雪見叢林波光
倒影窺明鏡晚籟含風響暗琴寂寂香雲
成法界離離紫竹見禪心名山應有神靄
護龍氣長吹落日陰

遊補陀

李一鳴

定海人
指揮使

大道元無我浮生委此形容來秋結社僧
過夜譚經虛室月生白空庭雨送青憐余
櫻在網寧不媿山霧

今上 敕賜護國鎮海禪寺奉題一

首

陳九思 鄞人

東表神洲浸大瀛盤根無地巨鼇擎琳宮
又翔天開境寶號新頒 帝賜名佛火夜
縣龍藏曉海窮朝結屋樓明香舫萬里飄

千葉得渡爭跨彼岍行

題補陀四首

周應治 鄞人
憲副

娑竭波濤遶洛伽氤氳香鉢護烟霞空中
墨點三千界天際金鋪萬劫沙龍女戲珠
依法苑僊人煇鼎煉丹砂由來佛土多奇
幻貝葉鉢衣涌白華

其二

大地浮空自古今翠雲深處敞禪林雲封
兜率青蓮濕潮咽較宮紫竹陰湛海長澄
三昧印蒼山點證六如鍼跏趺忽悟無生
諦真歇巖頭咲陸沉

其三

一上天門望不窮諸天縹緲有無中露瓢
寂歷懸危蹬伽室參差嵌碧峰疊巘松濤
清梵唄千霄蔭影露真宗獨憐臺上磐石陀

石花雨絲飛散遠空

其四

穿雲直入路駮驪紺闕魏峩逼蔚藍地壓
扶桑吞日月樓成蜃市吐烟嵐參方野衲
來天竺入定神僧閉石龕遍禮玉毫瞻法
相恍垂金臂接瞿曇

題普陀

張如蘭 沫陵人

縹緲來探大士宮諸天突兀為誰雄蒼龍

偏壯鴻荒石白馬流傳漢殿工地闢東南
秋色老天開海島夕陽空生平究竟猶堪
訝佛力相兼造化功

其二

鷲嶺秋高大陸前盪空寒影踏遙天羣峰
不斷浮雲色絕障長留落日懸地險關門
街急峽山奇削壁挂飛泉無人得遇青精
飯有客先歌白石篇

遊普陀長律八韻

何士晉

宜興人工科給事
中前任寧波司理

琳宮絕壑駕蛟鼉萬里烟光擁黛螺乾闥
樂細迦陵時送鳥聲和御函別啓
嶺巖崑崙劫重開舊寶陀水月觀中龍子
旌旄禮林外雁王過潮音作梵山齊吼梵
衲棲巖雲滿窩玉筍點班留片石金沙足
練護恒河莫言島嶼津梁少翻覺風濤世

路多兩度壬寅癸卯歲祝釐登彼岬願言
手載不揚波

題補陀洛伽山一首

董大晟

震旦滄淵湧洛伽大螺吹徹演三車龍宮
灼爍珊瑚樹象教繽紛小白華空外坐來
隨世界多中那處是天涯潮音還往仰終
極覺海應知轉法華

咏洛伽

薛三台

定海人舉人

孤插滄溟小白華烟濤千步湧金沙雪衣
大士元常現雲頂高僧別是家翠竹嫩滋
山寺雨紅蓮艷奪海天霞由來一葦堪航
地莫道茫茫未有涯

謁補陀

陳時化西吳人

雪浪霏霏寶筏來莊嚴法海梵王臺皈心
欲證無生偈開士休因有髮猜

龍藏兩頌

明主詔鷓冠仍作寶山回遠從娑竭頻搔
首太息間浮儘劫灰

渡海

無際烟濤接混茫誰知終古幾滄桑三生
歆叩諸天法一粟初窺百谷王宕滴高空
龍子怒砰瀟濁浪蜃樓長島夷豈得虛稱
貢萬里今看波不揚

禮洛伽山大士遍閱大海諸勝

丁繼嗣 鄞人巡撫都御史

日淨齋壇禮上台孤懸絕島殿中開九天
龍象擎雲下萬里龜龍駕海來佛火檀燃
超色界蓮洋花簇護香臺願分一勺澄心
水洒遍揚枝度草萊

其二

孤峰突兀五雲積清供入天廡法壇夜聽

龍來腥不到日赤猿立膽常寒烟霞迴別
人間世水泐如懸大士盪了徹圓通觀自
在冷風高舞駕青鸞

其三

纔從物外謝冠纓却向天邊問化城夕照
雲穿窺塔影夜鈴風遞入松聲僧施香飯
天厨淨佛散華燈梵界明到處如來親見
面何須煉藥跨蓬瀛

其四

盤陀石上倚朝暎四顧茫茫勢若吞萬國
梯航猶不絕千年香火自常存側身旁觀
扶桑小回首懸知大塊尊此是無根真面
目飛來獨立鎮乾坤

其五

大士莊嚴下碧岑巉岬陡絕海濤深煙籠
洞扈青蓮濕日破林開紫竹陰天女獻花

參石竇龍神聽法吼潮音何如此地皈依
切洗濯塵凡不二心

其六

天門紺闕曉蒼蒼金粟恒沙布地黃露頂
團瓢僧乞供皈心珠履客拈香御函特下
龍光護浩劫重開鶴馭翔我亦欲離苦海
去誰先彼岸渡慈航

其七

白衣殿外構為庵兩地虔供一駐驂
旃壇超幻劫別無塵境覓瞿曇光明盡布
三千滿善識曾餘五十衆寶蓋淨瓶都是
法衆緣普渡必生男

其八

尋真結侶獨扶筇峭石叢林歷幾重龍樹
金身新法銅梅隱丹鼎舊玄宗照迴淨室
參差見雲護關關蝶滅封惣是如來三寶

界勤脩何處不傳鐘

登白華山曲徑靜憩

一入山門自不凡
白華點點隨空巖
逶迤直上青蘿合
蒼蔚徐看翠竹毳
老衲陀頭方坐石
小童薙髮亦披衫
傾談正好明心性
天為呼風促去帆

初至普陀即景二首

徐如翰

上虞人
憲副

樓船破浪快乘風
轉入迴巒絕磴中
編竹間桃脂帶黛
驚濤噉石雪搏空
蜃樓杳靄香雲暖
紺殿參差迆照紅
更愛是人皆禮佛
始知無水不朝東

其二

誰見三山與十洲
即看佛國在炎州
波濤夜靜龍聽法
巖壑春晴石點頭
鼎篆悠悠幢影馥
髻螺個個鏡花浮
何須更問無生

法來往潮聲聚散漚

遊磐陀歸遇雨

細雨勒新花相求興轉賒穿雲衫影重沾
濕步痕斜倦借僧氈榻渴分佛供茶尚思
憑願力彈指遍恒沙

雨中尋普陀諸勝

緣崖度壑各擔簷翠合竒環賞不勝竹內
鳴泉傳梵語松間刺海露金繩山當曲處

皆歲寺路欲窮時又遇僧更笑呼童扶兩
掖溯風直上最高層

朝陽庵

樹密逕幽深禪房春晝陰斷雲寒宿檻流
水靜穿林僧說前朝事人多象外心翻悲
出門去鐘磬有餘音

晚晴見月偶述

暮雨初收紫翠重松扃瀉影鎖千峰漸看

淨滿庭心月却似莊嚴佛面容散入萬波
圓處處攝來一照夜溶溶相看正話陰晴
事又聽潮聲響梵鐘

望海

目力有時極水光何處窮但知川谷往誰
識尾閭終曉氣唯占旭濤聲不借風舟行
無里道帆挂任西東忽過夷王島還浮龍
女宮亂雲疑列嶼孤鳥指驚蓬世界空明

盡神州杳靄同有時明鏡迴倏爾怒霆雄
琛恠絲難紀昏朝望轉蒙量包乾奧外脉
入地維中河伯宜長嘆天潢自有宗聖朝
波不溢佛國路常通願借慈航力依不
壞空

潮音洞

羣公共禮潮音洞莫作潮音洞口詩縱有
繡腸描不出直瀆絕倒嗟神奇

育恩院山石奇勝當為普陀諸靜室
之冠

山勝皆藏石石奇各肖形地當幽絕處寺
露半開扇小檻樓飛霧開廳瞰落星曲階
苔細細危窳水泠泠竹罽斜通穴雲標別
決亦青密陰時護遶簾影欲充庭挹海懸雙
鏡開山問五丁漸疑霞作屋翻訝蘚為屋
坐卧俱成適攀躋覺有靈禪僧能呪鉢

子解談經時有一小沙弥能持施食况而

法頗妙面壁宜深定鐫題各辨銘石上刻

故云最憐齋報午粳粒笋芽馨

題普陀

張可大秣陵人字紹恭

海雲面面護禪宮屹立中流砥柱確巨石
有靈疑說法長林無碍只聞鐘寒潮作梵
連松韻明月焚香透竹叢白鶴下來秋色
靜支公玄度此心同

其二

精廬彷彿類天宮
紫竹青蓮蜃市中
客以乘槎遊汗漫
僧從卓錫住虛空
盤雲恠石疑將墮
噴雪潮音勢自雄
水月任教觀自在
松窓半偈釋塵籠

其三

萬里濤聲繞翠微
松門蘿幌到人稀
鼉鼉隱見珠林寂
龍象經行佛日輝
紫竹已同

群木秀白鷗猶帶晚潮飛
梅仙倘寄長生藥
欲向滄浪問息機

無邊禪師避靜磐陀石
下以詩為

贈

王元翰

滇南人
給諫

卓錫名山截愛河
結庵猶自傍磐陀
遠公捷徑開蓮社
陶令靈心中酒魔
紫竹林中原有相
白洋海上近無波
爐烟茗椀盤桓處
領畧無生法已多

過禮補陀

陳天錫 鄞人封同卿

首刹層巒著八荒，
依今始訊慈航霞明。
祇樹天門曉煙繞，
扶桑海國香佛意每從。
靈鷲會禪功已見，
竭龍藏留連經月探奇。
遍尚企高深嘆望洋。

再過補陀

曾經瞻眺夢常搖，
決策重來豈畏遙。
慧旭無陰如有待，
晴嵐多翠寔相招。
眸新道岬

通三昧身媿息波，
歷四朝說渴不忘天。

保賦如來應許頌，
神堯

補陀十二詠

陳朝輔 鄞人侍御

梅灣春曉

搖搖僂嶠泛滄溟，
曉霽芙蓉片。明怪底
子真成汗漫，直從吳市作春行。

茶山宿霧

日挂扶桑宿霧消，
岬岬花乳綴葢條。
定中

老衲餘清思縹緲爐烟柏子燒

古洞潮音

海壖靈窟最幽深宛若歸墟不易尋潮退
乍窺空是谷潮來忽聽梵為音

龜潭寒碧

人世何曾有豫且寒潭澄碧自如如冷看
今日剗腸者總為當年未卜居

天門清梵

琳宮貝闕白雲飛隱隱鐘聲出翠微七寶
林中聞梵唄靈光都入芰荷衣

碧陀曉日

誰將碧石拄晴空仙界虛明一線通初日
未離滄海底翠微千丈已先紅

千步金沙

澄光萬頃躍天吳香象遙浮帝釋都應是
給孤神力鉅直令沙界亦金鋪

蓮洋午渡

慧日澄圓覺海中
白蓮香滿獻花風
何人不道天香杳
已自樓船面、通

香爐晴靄

爐峰高處總竒觀
瑞靄濛濛六月寒
夜半空中雲蓋結
多應天女藝旗檀

鉢盂馮瀨

七珍綴鉢錦紋斑
歷劫深藏難足山
竟是

何年浮海上
毒龍無復溷塵寰

洛伽燈火

上方臺殿挂空青
閃爍居然不夜城
知是不生叅大士
心燈五百點波明

淨室茶烟

幽壑沉、春色回
虛堂陰雨長莓苔
新烟數縷穿雲竇
石鼎茶香客遠來

遊磬陀菴登點頭石之作

古鄧李德孚

峭壁倚晴嵐散步涉幽澗躡磴攀層巒四
顧蒼桑膺偶憇聽爽籟哀茲忽飄辦仰瞻
浮雲流重悲聚跡勾舉首向危石拭目泣
精眇窺置砮巔詎能易摧鏟撫手回輕
按搖動與時慣緬想生公辰點頭實希見
邇來說法誰夫乃衆力埤大士駟伸工獲
免形勞患晤言不知虜感嘆自朝晏

古鄉李敬亭

<p>通果說透誰夫乃衆力輝大士驅神工覆 是形勞息暗言不知處感原自朝晏</p>	<p>精時莫一置聖顯詎能易權難撤手回無</p>	<p>浮雲流重悲泉跡可與者向危石拭目泣</p>	<p>非秀魚腐偽態蔽美符家欲忽識辨仰時</p>	<p>峭壁倚晴嵐散步涉水淵石壁聲聲在四</p>
---	-------------------------	-------------------------	-------------------------	-------------------------

